



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginæ
oraculis, & Sacr. ...

Monacellus, Franciscus

Venetiis, 1707

R. P. D. Taja. Valven. Præminentiarum. Mercurii 5. Maii 1660.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

APPENDIX
DECISIONUM
SELECTARUM
SACRÆ ROTÆ
ROMANÆ,

*Quæ per extensum positæ sunt ad comprobandum, &
fulciendum plura, quæ toto in hoc
Opere continentur.*

R. P. D. TAJA.

*Valven. Præminentiarum.
Mercurii 5. Maii 1660.*

ARGUMENTUM.

Episcopus duarum Cathedralium æquæ,
& principaliter unitarum, potest unum
tantum Vicarium Generalem pro utra-
que constituere, & carceratos Clericos
unius Diœcesis ad carceres ubi residet
transmittere valet.

SUMMARIUM.

1. Episcopus duarum Ecclesiarum æquæ
principaliter unitarum, unum tantum
Vicarium Generalem tenetur habere.
2. Episcopus cogi non potest ad retinendum
Vicarium Generalem.
3. Ecclesia Valven. an sit dignior, quam
Sulmonen non constat.
4. Episcopus duarum Ecclesiarum æquæ,
& principaliter unitarum, potest
Clericos carceratos unius Diœcesis ad
carceres ubi residet transmitti facere,
quando locus valde non distat, &
causa non est modica.

DECISIO I. Die 21.

Feb. 1696.

EX Commissione in Signa-
tura Sanctissimi Domini
Nostri, ut Sacra Congregatio
Concilii procederet cum voto
Sacræ Rotæ proposui dubium
super quinque de pluribus ejus-
dem decretis die 13. Augusti,
& 4. Septembris 1650. inter
Episcopos, & Capiculum con-
troverfis, an, & quæ decreta
sint executioni demandanda,
& non informante Episcopo,
nisi super duobus, visum est
DD. ipsa duo non esse execu-
tioni demandanda.

Alterum fuit Episcopum pro
causis Diœcesanorum Valven.
deputare debere Vicarium Ge-
neralem in Diœcesi Valven.

2. Et visum est executioni
non demandandum, quia cum
Valven. & Sulmonen. istæ duæ
Ecclesiæ sint inter se æquales,
& utraque Cathedralis, ut di-
xit Rota in Sulmonen. Status
Cathedratici die 18. Maii 1626.
§. Quibus non obstat, cor. Man-
zanedo, quamvis cujuslibet jura

Z 4 inte-

*reproposi-
ta in ius-
tolicau-
sa in S.
Congreg.
Concil.
fuit reso-
luti Di-
creta S.
Cong. esse
exequen-
da juxta
Votum
Rota.*

*Die 5.
Maii
1696. re-
proposita
Causa su-
per 3. du-
bio S. Co-
greg. re-
spondit.*

Posse
transpor-
tari in
carcere
Sulmo-
nen.

integra remaneant, respectu tamen Episcopi reputantur una Diocesis, & potest in una residendo, explere factum alterius: atque ita videtur etiam posse in uno tantum Episcopatu Vicarium constituere, ad quem accedere debeant Subditi utriusque Diocesis, ut post Rebuff. Barbof. *de offic. & potest. Episc. alleg. 54. sub n. 131. Gratian. discept. 655. num. 44. & seqq. post Rot. cor. Cavaler. decis. 418. num. 2. & seqq. & decis. 537. num. 7. & 8. tom. 3. part. 4. recent.*

2. Et multò magis poterit Episcopus tenere unum Vicarium, ubi voluerit quia in facultate illius est, an velit, vel nolit eum retinere, cum non possit cogi ad retinendum Vicarium, ut prosequitur Gratian. *d. disceptas. 655. num. 47. cum alleg.*

3. Nec obstare visum est quod Ecclesia Valven. dicatur dignior quàm Sulmonen. quia quænam sit dignior (multis hinc inde prolatis, & inter has ipsas Ecclesias, Gratian. *tota, & longa discep. 893.*) DD. non convenerunt, cum essent quibus dignior videretur Valven. & quibus neutra, & quibus nihil, non disputata quæstione, cum sit utraque Cathedralis, & æquè principaliter sint unitæ, & utrobilibet resideat Episcopus, & jam dudum in Sulmonen. & ex concordia approbata à Sac. Congr. Episcoporum 1. Decembris 1628. in præcedentiis non habeatur respectus, cujus Ecclesiæ sint Canonici, sed antianitatis ordo observeretur, ita quod antiquiores in receptione sive in una, sive in alia dictarum Ecclesiarum Canonici, alios recentiores Canonicos in publicis functionibus præcedant, omnisque prioritatis, & posterioritatis contentio aboleatur, perindè, ac si unius, & ejusdem Ecclesiæ Canonici existerent; Præposito tamen Ecclesiæ Valven. excepto, qui, etsi in receptione, recentior extiterit: aliis tamen Ecclesiarum prædictarum Canonici in actibus præcedentibus præferatur &c. in *Summ. Episc. num. 2.*

Alterum fuit Canonicos, & Clericos Diocesis Valven. delinquentes ibi carcerari debere, non autem transportari ad Carceres Civitatis Sulmonen.

Et pariter visum est executioni non demandandum ex infrascriptis.

Etsi enim uni ex DD. placeret admitendum hujusmodi decretum Sacræ Congregationis, ut ex litteris huic Episcopo datis 17. Januarii 1604. videlicet. Cum Superioribus annis Capitulum, & Clerus Valven. sæpius conquesti essent apud Sacr. Congregationem, quod etiam extarent Episcopales Carceres in Palatio Episcopali Valven. ubi Episcopi Vicarius morabatur, nihilominus Episcopus cum aliquis è Diocesi Valven. in Carcerem erat conjiciendus, ad Civitatem Sulmonen. duci mandaret: in maximum eorum damnum, & incommodum, Sacra Congregatio sic respondit Episcopo. Quamvis amplitudo tua Valven. & Sulmonen. Ecclesiæ Dei, & Apostolicæ Sedis gratia præest, ipsam utriusque Civitatem Diocesanas æquè prospicere decet, & propterea cum aliquis ex dictis Valven. in carcerem fuit conjiciendus, non ad Sulmonen. Civitatem ducendus est, sed carceribus Valven. Palatii Episcopalis, ubi amplitudo tua morabitur, mancipari debet, nè accedat iqualori carceris, etiam itineris incommodum: ac rerum necessariorum defectus, quas ultra propriam Patriam Consanguinei reis ægré suppeditant id summa æquitas postulat, & ab amplitudinem tam observari mandat, ut apud Barbof. *jur. Eccles. lib. 3. cap. 16. num. 25. & 26. & brevius in collect. Doct. apud Concil. Trid. sess. 25. de reform. cap. 6. num. 27.* ad rationes in ipsis litteris expressas, & apud Gratian. *discept. 892. num. 9. & seqq.* & nè de Consanguineis, & conterraneis transferantur ferè ad inimicos, & hostes, prout inter finitimos vetus, & antiqua similtas, immortales odium, & nunquam sanabile vulnus perpetuis conditionibus inter has Dioceses, & hos Diocesanos.

4. Tamen contrarium placui aliis ad limites litterarios. Cum amplitudo Episcopalis Valvæ moraretur, ut inquit litteræ, & confert *d. dec. 537. in fin. aut* Epi-

Episcopi Vicarius, ut inquit Barb. quia cum ex deductis ipsæ duæ Ecclesiæ sint inter se æquales, & utraque Cathedralis, ut supra, non est visa distantia considerabilis ad quinque passuum millia, & Rotæ intellexit aliter procedendum esse tantummodo, quando locus valde distat, & & causa est modica, ut retulit Barbos. *ad cap. 7. de offic. Ord. in 6. num. 6.* post Rot. *in Calciaten. jurisdict.* quæ est *d. dec. 537.* & visus admittere etiam contrarius in ea causa decisa Gratian. *d. discept. 892. n. 8. 12. & tota discept.*

Præsertim, dum ex testimoniis Testium in hoc judicio examinatorum apparere visum est in Diœcesi Valven. non esse carceres tutos.

Et ita utraque &c.

EADEM CORAM EODEM.

Mercurii 15. Junii 1661.

SUMMARIUM.

1. Duæ Ecclesiæ Cathedralis æquè principaliter unitæ, licet utraque remaneat Cathedralis, tamen respectu Episcopi reputatur una Diœcesis.
2. Nobilitas, & dignitas differunt inter se.
3. Episcopus duarum Cathedralium, penas, & multas delinquentium applicare debet locis piis Diœcesis delicti.

DECISIO II.

I. IN Decisio 5. Maii 1660. hodie DD. steterunt, & præcipuè ratione, quod Eccl. Valven. & Sulmonen. sunt inter se æquales, & utraque Ecclesia Cathedralis, ut dixit inter has Ecclesias Rot. *in Sulmonen. Status Cathedrali. 18. Maii 1626. §. Quibus non obstat coram Manzanedo cum aliis ibi allegatis.* Et quamvis cujuslibet jura integra remaneant, attamen respectu Episcopi reputantur una Diœcesis, & residendo in una, potest explere factum alterius,

Barbos. *de offic. & potest. Episcop. alleg. 54. n. 131.* Grat. *decis. 665. n. 44.* Rot. *cor. Caval. decis. 418. n. 2. & decis. 537. num. 7. & 8. tom. 3. part. 4. & novissime dec. 191. n. 5. & 20. part. 9.*

2. Et quamvis multa hinc inde deducerentur ad effectum demonstrandi qualis dictarum Ecclesiarum videretur esse major, & earum esset antiquior &c. DD. visum est rejicere hanc contentionem, utpote pertinentem ad aliam quæstionem, quænam earum sit nobilior, non verò ad quæstionem præsentem quænam sit dignior, cum multum differat inter se ex Tull. Verin. 3. apud Tiraquel. *de Nobilit. cap. 8. sub num. 4. & 10. & cap. 20. num. 191.* sed insuper visum est eisdem non scalpere amplius hanc pruriginem, in dua delectat, quicquid exasperat, sed mandare, ut præsentibus Canonici amborum Ecclesiarum, inhæreant vestigiis suorum Prædecessorum, qui jam supra quatuor sæcula anno nempe 1238. die 8. Martii ita sanctè concordarunt: Nos (inquiunt ipsi Patres) Præpositus Ecclesiæ Sancti Pelini, & Capitulum Sancti Pamphili considerantes, quod per discordias, & contentiones multiplices, quas Antecessores nostri, & Nos à longis temporibus retroactis habuimus grandia animarum pericula, & rerum dispendia nobis, & prædictis Ecclesiis provenerunt, habito inter nos communi tractatu, & utilitate communi dictarum Ecclesiarum, & specialiter Ecclesiæ S. Pelini &c. de communi omnium voluntate, ut diximus ordinandum &c. Nos Præpositus, & Capitulum S. Pelini recipimus in Fratres, & Socios nostros in ipsa Ecclesia S. Pelini Canonicos S. Pamphili, & nos Canonici S. Pamphili è converso recipimus in Fratres, & Socios Canonicos S. Pelini: Statuimus, & ordinamus præterà, quod dictæ Ecclesiæ sint una Ecclesia, *in Summ. Sulmonen. num. 6.*

Et recentius prima Decembris 1628. in alia concordia approbata in Sac. Congregatione Episcoporum convenerunt, quod in præcedentis non habeatur respectus, cujus Ecclesiæ sint Canonici, sed antianitatis ordo observetur, esto quod